

exercere judicia: 3. judicare res ex Imperato-
rijs, & alijs præsentibus legibus: 4. suppli-
cia jure constituere. 5. jure bellare, milita-
re: 6. lege contrahere: 7. tenere proprium:
8. jusjurandum postulantibus Magistrati-
bus dare: 9. ducere uxorem, nubere.

17. Primum locum in Catalogo isto obtinet
ORDO MAGISTRATUS, tum ob eius
dignitatem, quâ ad DEI officium quam proximè
accedit: tum ob eius necessitatē, quæ tanta est, ut
è mundo sublato magistratu politico, omnis proti-
nus humana societas corruere necessum habeat.

18. Militant pro hac specie, tum illustria ex-
empla eorum, qui in hoc ordine constituti DEO
cum primis placuerunt: ut Moysi, Iosue, Davi-
dis & similium: tum expressa scripturarum te-
stimonia & mandata, quibus à DEO ipso Magi-
stratum constitui, ad oculum demonstrari potest.

19. Deuter. 16, 18. præcipit Moysi Iehovah: Ju-
dices & magistratus constitues in omnibus portis
tuis, ut judicent populum justo judicio. Rom. 13,
1. Omnis anima potestati supereminenti sit sub-
dita, 1. Pet. 2. 13. Subiecti estote cuivis huma-
na ordinationi propter Dominum, sive regi, ut
qui superemineat; sive præsidibus, ut qui per e-
um mittuntur.

20. Et Emphaticum est illud, quod Apostolus
aliquoties repetit: Non est potestas, nisi à DEO:
Rom. 13. 1, Item: Quæ verò potestates sunt à DEO
ordi-